

# Nov material per l'armada

■ (anr/ld) Il cussegl naziunal ha approvà in credit supplementar dad 874 milliuns francs per nov material per l'armada. Ina proposta dals verds e da la pss da na entrar sin la discussiun da las propostas dal cussegl federal ha il cussegl naziunal refusà cun gronda maiorità. En sia missiva al parlament propona il cussegl federal in credit supplementar dad 874 milliuns francs en favur da l'armada. Cun quest credit duai l'armada remplazzar per 118 milliuns francs il sistem mobil da communicaziun, renovar ina part da la muniziun per 100 milliuns francs, acquistar novs camiuns per 558 milliuns francs ed adattar ils meds per la defensiun cunter aviuns per 98 milliuns francs.

La cumissiun recumonda cun 18 cunter set vuschs d'entrar en la materia e da metter a disposiziun a l'armada ils meds necessaris. Ina minorità (verds e pss) refusa d'entrar en la fatschenta e propona – en favur da la pasch – d'investir dapli meds en ils pajas cun conflicts politics. *Balthasar Glättli* (verds/ZH) fa attent a la decisiun dal pievel che ha refusà la compra dals aviuns Gripen e cun quest verdict demonstrà la voluntad da far diever da quests daners per autras incumbensas da la confederaziun. *Evi Allemann* (pss/BE) declera che la Partida socialdemocratica vegnia a votar cunter l'entrada per motivs finanzials. Il cussegl federal haja elavurà in program da spargn dad 1,3 milliardas francs. Or da quest puntg da vista na saja in segund credit per l'armada betg da chapir. *Thomas Hurter*, (pps/SH), fa attent al problem da cuntradicziun tar l'armada, numnadain la posiziun da rinforzar l'armada, dentant senza metter a disposiziun ils meds



**Cussegl federal Ueli Maurer: En vista a la nova situaziun da smanatscha saja necessari da metter a disposiziun a l'armada ils meds ch'ella dovria per segirar sia missiun da defensiun e protecziun da la populaziun.**

KEYSTONE

finanzials necessaris. Ussa saja vegnì il mument da conceder a l'armada in credit supplementar. Cussegl federal *Ueli Maurer* fa attent a la moziun dal parlament che pretenda in credit supplementar en favur da l'armada. Quest credit vegn duvrà per finanzia-

projects ch'ins ha mess fin oz da la vart. En vista a la nova situaziun da smanatscha saja necessari da metter a a disposiziun l'armada ils meds ch'ella dovria per segirar sia missiun da defensiun e protecziun da la populaziun. Cun 136 cunter 50 vuschs è en-

trà il cussegl naziunal sin la fatschenta e manà in debatta davart las singulas posiziuns. Ina proposta da la maiorità da la cumissiun da reducir il credit per 100 milliuns francs ha il cussegl naziunal refusà cun 98 cunter 90 vuschs.